



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 18. Quid notandum sit circa Sacerdotem, qui ex voto tenetur ad
Missam.

urn:nbn:de:hbz:466:1-42624

Missæ intendebantur principaliter ob splendorem & cultum loci, erit interim liber ab onere Missarum. E contra si principaliter intendebatur Missa ipsa, ad hanc tenebitur in alio templo. *Aversa* f. 18. in fine.

161. §. 4. Si Sacerdos teneatur, v. g. ter de septimana legere, potest hac septimanâ anticipare pro sequente, nisi aliud colligatur ex verbis, vel fiat in præjudicium alienum, uti si Missæ essent constitutæ pro commoditate audientium aut pro necessitate successivè morientium; tum enim anticipari non possent, *P. Nav. Bon. Lugo* & alii cum *Aversa* §. septimò.

162. Q. 18. Quid notandum sit circa Sacerdotem, qui ex voto tenetur ad Missam. R. §. 1. Qui vovit legere Missam, v. g. in gratiarum actionem, quia sanatus est, non potest pro tali Missa acceptare stipendium, quia intentio voventis præsumitur esse, quòd velit Deo dare Missam non aliunde debitam ex iustitia, *Pasq.* q. 875. & 954.

163. §. 2. Si quis sibi reservasset applicationem fructûs Missæ, quam vovisset, docet *Pasq.* posse quidem hunc gratis applicare, cui volet, sed non ideo posse acceptare stipendium, quia videtur fructum illum vendere: Contradicit *Tamb.* quia non ideo vendit, sed pro ejus applicatione acceptat stipendium, uti pro tota Missa acceptare posset.

164. §. 3. Probabile est votum etiam unius Missæ obligare sub mortali, quia materia hujus voti, quæ negligitur, est gravis, cum sit oblatio Sacrificii infiniti Deo debiti, cultus Religionis perfectissimus Deo debitus, actio præcipua, per quam homo uniri potest Deo &c. *Pasq.* q. 871.

§. 4. Votum Missæ tum tantum est perso- 165.
nale & impleri debet à vovente ipso, quando
promittitur propria actio voventis, uti si vo-
veat ex motivo, ut ipsemet colat Deum, si au-
tem voverit ex alio fine, qui per quodcunque
Sacrificium obtineri potest, erit votum reale,
licet promiserit se celebraturum, & poterit im-
pleri per alium. Quod si nequeat se reflectere,
an cogitavit de propria actione, censeri debet
votum personale, quia si celebrationi non sit
appositus finis extrinsecus, votum sistit in actio-
ne propria, *Pasq.* q. 872.

§. 5. Potest per unam eandemque Missam 166.
satisfieri, imprimis voto & promissioni, si pro-
mittens respexit ad fructum; nam ratione voti
non debetur fructus; non tamen poterit, si pe-
tita sit Missa pro gratiarum actione vel cultu
divino. Deinde duplici voto, si unum illorum
respiciat tantum Dei cultum, alterum tantum
fructum, uti semper est, quando vovetur pro
animabus: Unde si tertio vovissem Missam ra-
tione tantum impetrationis alicujus beneficii,
inò & quarto pro impetranda remissione pec-
catorum, putat *Pasq.* q. 875. me per unam &
eandem Missam quatuor votis satisfacturum:
dicitque hoc valere, si ve vota ab uno, si ve à plu-
ribus sint emissa: sed notanda sunt dicta l. 3. p.
2. n. 775., & spectanda est intentio voventis.
Hoc certum est, si utrumque votum eundem
finem respiciat, non satisfieri utrique per unam
Missam.

Q. 19. Quanta sit obligatio ad Missas, quas Epi- 167.
scopus in ordinatione injungit Presbyteris, & quan-
do hi primam Missam legere teneantur. R. Utrum-
que resolvetur, quando de Sacramento Ordinis.